



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvartum

**González Téllez, Emanuel  
Francofurti Ad Moenum, 1690**

Caput XXIX. (a) Gregorius IX.

---

[urn:nbn:de:hbz:466:1-74533](#)

jurejurando, eos cognatione conjunctos esse, jubet Pontifex, ut si aliquis homo recte fidei gravitatis, & authoritatis denunciet simul, & probet, impediatur matrimonium, cum ultra ejus denunciationem adsit fama communis, quæ velut publicum testimonium habetur, ut ait Quintilianus lib. 5. inst. & in judicio valde confirmat ejus rei, de qua queritur, fidem, leg. 3. §. ejusdem, ff. de testibus; quia fama consentiens depositioni testimoniū, non inconstans habetur, cap. præterea, de testibus, ubi plura de fama, & quatenus probet, adduxi.

## C A P U T X X V I I I .

Honorius III. Episcopo (a) Sleuvichensi.

**C**onsultationi tuæ breviter respondemus: Mulieres, quæ de more veniunt ad valvas (b) Ecclesiæ benedicendæ cum sponsis, & ibi reclamantes, affirmant se nunquam in eorum matrimonium consensisse, audiri (sponsis legitimè probantibus contrarium) non oportet, cum legitimis & idoneis testibus non debeat illarum simplex assertio prævalere. Sanè illis, quæ benedictione receptâ, mox à sponsis aufugiunt ante carnis (c) copulam subsecutam, afferentes se nunquam in illos veraciter consensisse, sed metu illato compulsas, verba protulisse consensus, licet animo dissentirent, non statim est auditio deneganda, sed de illo metu est cum diligentia inquirendum: & si talis metus inveniatur, qui cadere potuerit in constantem (d) virum, erunt non immerito audienda.

## N O T Æ .

1. (a) *Sleuvichensi.*] In hac sexta collectione legitur *Belguensi*, sed malè, ut jam notarunt in præsenti Cujacius & Cironius. Sleuvich est civitas Episcopalis Germaniæ, sub Metropoli Bremensi, qui Episcopatus cum aliis tribus fundatus fuit per Othonem Magnum Imperatorem, circa annum 948. ut notavit Cironius in præsenti.  
 2. (b) *Ad valvas.*] Hæc verba omisit Raymundus, extant tamen in quinta compilatione Honori III. ex quæ textum hunc transcribo, & in eis innuit mos benedicendi sponsos ad januam Ecclesiæ, de quo plura dabimus in cap. i. de secundis nuptiis.

(c) *Ante carnis copulam.*] Id est, ut si copula subsequatur fuerit, matrimonium propter metum etiam gravem celebratum, retractari non debeat; quia per spontaneam copulam ratificatum fuit, juxta tradita suprà in capite ad id, hoc turulo.

(d) *Virum.*] Vocem hanc omittunt Panormitanus & Butrius, quia non æqualis metus desideratur ad inducendam coactionem in fœmina, ac in viro; siquidem ille constantior est, ut docuerunt Covarr. 2. p. de matr. c. 3. §. 4. n. 16. Canis. in præsenti, n. 2. Sed malè, tum quia in constantem virum legitur in dicta quinta compilatione; & sub viro facilè fœmina comprehenditur, juxta diversam utriusque conditionem. Textum huic exceptui suprà in cap. c. iii. locum.

## C A P U T X X I X .

(a) Gregorius IX.

**G**emma mulier nobis exposuit, quod cum T. filia ejus cum C. contraxit matrimonium, B. de Alterio cā occasione, quod inter P. filium suum, & prædictam pueram infra septennium constitutos, sponsalia contracta fuerunt, penam solvendam à parte, quæ contraveniret, in stipulatione appositam, ab ipsa nititur extorquere. Cum itaque libera matrimonia esse debeat, & ideo talis stipulatio præpter penæ interpolationem sit meritò improbanda: mandamus, quatenus si est ita, eundem B. ut ab extorsione prædictæ penæ desistat, ecclesiasticâ censurâ compellas.

## N O T Æ .

## C O M M E N T A R I U M .

1. (a) *Gregorius IX.*] Cum registro epistolarum hujus Pontificis careamus, cognoscere non possumus, cui rescribat in præsenti; recte tamen notavit Cujacius hic, in principio textus legendum tantum esse G. ut in Codice Gallicano legi ipse testatur, præcipue cum Gemma, ut proprium normæ fœminæ nullib[ile]gamus.

E X hoc textu sequens communiter deduci-  
 2. Etur assertio: *Promissio penæ sponsalibus iniuriis* Conclusio  
*littera adjicitur.* Proabant eam textus in l. Titia traditio  
 134. ff. de verb. oblig. l. 2. Cod. de iniur. S. populat. l. probatur.  
 final. Cod. de spons. leg. 2. Cod. derepudis. l. 2. §.  
 ult. de divorciis: ubi dum de modo dissolvendi  
 sponsalia agitur, de pena reticetur, l. 39. tit. II.  
 partit. 5. Illustrant ultra congettus à Barbosa hic,  
 Medrano de consensu connub. cap. 15. per totum,  
 Basilius

Basilus lib. 12. de matrim. cap. 19 Fontanell. de pact. nupt. 2. tom. clausul. 12. Cancerius lib. 3. variar. cap. 11. num. 58. Cujacius ad titul. Cod. de spons. & in præsenti Gentilis de donat. inter. cap. 13. Gibalinus de censor. 2. part. lib. 4. cap. 5. art. 3. Donellus, Cujacius, & Matienzo in d. l. Titia, idem Donell. in l. 9. Cod. de nuptiis.

3.  
Impugna-  
tradicatio  
nem.

Sed pro dubitandi ratione ita in præsentem assertionem insurgo: Ut suprà retuli in cap. 2. hoc titulo, ex sponsalibus olim civilis nacebatur obligatio, ex eaque dabatur actio, quæ ex sposo dicebatur, adversus eum, eamve, per quem, quamvis factum esset, quominus nuptiæ sequerentur, siuebatque condemnatio in id, quod alterius intererat: & licet postea actio ex sponsu invalidaret, ad id, quod intererat, agi posse probat Gentilis libro 4. de donationibus, capite 14. Cum autem æstimatione ejus quod interest in causis omnibus difficilis sit, & in conjugali affectione difficultissima, congruum est certam summam loco intercessum stipulari, cum ob eam præcipue causam stipulationes penales inventæ sint; leg. final. ff. de pretor. stipulation. Igitur, quia promissio pena utiliter sponsalibus adjicitur. Augetur primò hæc dubitandi ratio ex eo; nam pena, adjectio infringit libertatem in nuptiis necessariam; siquidem cum in iustè quis renui adimplere sponsalia, iustè cogitur per penam adiectam, immò per censuras ecclesiasticas contrahere matrimonium, ut probavi in cap. 2. hoc titulo. Nec ideo infringitur libertas, sicut nec contra libertatem matrimonii agitur, quando quis à judice cogitur contrahere matrimonium cum virginie a se deflorata; quia talis metus iustè incutitur, ut probavi in cap. cum locum, hoc titulo. Ergo non violatur nuptiarum libertas ex eo, quod extorqueatur ab eo, qui in iustè resilire intendit ab sponsalibus. Augetur secundò hæc difficultas, nam arrharum constitutio in matrimonii recepta est, tam jure civili, quam canonico, cap. si quis uxorum 27. quæst. 2. cap. nostrarum, cap. feminæ 30. quæst. 5. l. 1. Cod. si nuptia ex rescripto, quæ est in Theodosiano lex 1. si provincia rector: plura Botellus tom. 3. dec. titulo 1. num. 320. sed arrha est veluti pignus celebrati matrimonii, leg. 3. & final. Cod. de sponsal. idcirco enim datur, ut si contractum sit matrimonium, conditione sine causa repetatur, cum sequoto matrimonio sine causa sit apud recipientem, l. ex empto 11. s. is qui vina, ff. de actionibus empti. Si autem matrimonium sequotum non sit, si per dantem sterterit, arrha amittatur; si per recipientem, duplum, vel etiam quadruplum restituatur, l. 3. & final. Cod. de sponsal. l. si quis officium, ff. de riu. nupt. Cujacius lib. 5. observ. 22. Sanchez de matrim. lib. 1. disput. 35. ita ut foemina restituzione & altero tantum puniatur, nisi sit minor, vir autem earum amissione, l. 5. Cod. de sponsalibus, quæ lex moderavit penam antiquam, quæ erat in quadruplum, l. 1. Cod. si rector provincia, l. 1. Cod. si nuptia ex rescripto, in Theodosiano, Gifianus in d. l. 5. Briffonius de jure connub. Hothomanus de donat. cap. 15. num. 16. Quod si iustam causam renunciandi habuit alteruter, hæc pena cessat, leg. 2. & final. Cod. de sponsalibus, l. 1. Cod. si nuptia ex rescripto. Augetur tandem hæc difficultas, nam

D. D. Gonzal. in Decretal. Tom. IV.

in præsenti specie potius conditionalis promissio fuit, quam penal, infringens libertatem; siquidem non ipsi sponsi penam promiserunt, si matrimonia non contraherent, quæ est propriæ stipulatio penal; sed parentes eorum, nisi matrimonium sequotum esset, penam stipulati fuerunt, in vim meræ, & simplicis conditionis facti alieni, quo casu secunda stipulatio committitur, quomodo cumque factum non sit, l. si trajectitia 9. ff. de nauico fænore, l. ad diem 77. l. stipulatio, §. at si quis, ff. de verb. oblig. l. at si quis 14. ff. de confit. pecun. l. sanctimus 26. Cod. de fiducijs nec per eam in contrahentibus ulla infringebatur libertas; siquidem ipsi tantum promiserunt, se contracturos, nullam verò penam adjeceunt: unde non erat cur infringetur eorum libertas.

Qua dubitandi ratione non obstante vera 4. est præsens assertio, cuius ratio redditur ab Traditur ipso Gregorio ex l. 2. Cod. de inutil. stipulation. ratione docen- ibi: Cum liberam matrimonia esse debeant; & nuptiæ amore, non metu pena conciliari debeat, ut pulchritudine asserit Divus Chrysostomus. homil. 31. super caput 19. Divi Matthæi: & stipulatio penal plerumque dirigatur ad acuendam diligentiam ejus, qui facere debet, ut si non ex voluntate, saltem metu pena factum promissum adimpleat, l. si vehenda 10. versi. Idem juris. ff. ad l. Rhodiam de jactu. Unde si utiliter & validè adjiceretur sponsalibus, sponsa, qua ex iustis causis potest resilire, & sponsus, qui potest repudium facere, cogerentur matrimonium celebrare contra votum proprium; quia etsi justam discedendi causam haberet, ob difficultatem, aut molestiam eam probandi, metu gravioris penæ solvenda cogeretur invitum matrimonium contrahere. Uode talis pena promissio inutilis est, etsi firmiter juramento, cum sit contra bonos mores. Gutierrez de matrimonio cap. 17. Mrdrano d. cap. 15. num. 5. licet contrarium teneat Molina tom. 1. de iustit. tract. 2. disput. 151. num. 22. Basilus de matrim. lib. 12. cap. 19. in fine, addit etiā Fontanell. de pactis nuptial. 2. tom. clausula 12. à princip. securus Cancerium lib. 3. variar. cap. 12. nec statuta, quæ penas istas permittunt, valere, utpote contra libertatem sacramenti; unde cum in præsenti specie pena promissa esset, si matrimonium culpâ alius cuius ex parentibus sequotum non esset, rectè Gregorius decrevit, etiam matrimonio non sequoto penam peti non posse, quia inutiliter promissa fuit, ex d. l. Titia 13 4. d. leg. 2. Cod. de inutil. Nec audiendus est Gibalinus, qui lib. 4. de usuris, cap. 5. art. 3. affirmavit in præsenti casu penam inutiliter fuisse adiectam, quia sponsalia nulla fuerunt, utpote contracta à minore septennio; & sic cum ex defectu aetatis sponsalia nulla essent, similiter stipulatio penal, ut accessoria, nulla erit, capite accessorum, de regul. jur. in 6. l. cum principalis, ff. eodem riu. leg. non dubium, Cod. de legibus: nam cum Gregorius non eam rationem suæ decisionis assignet, sed suprà relatam, videlicet quia libera debent esse matrimonia, aperte supponit, sponsalia ob perseverantiam adveniente legitima aetate, aut per mutuam cohabitacionem, seu ex alia causa valida fuisse & firma,

F 2

ut

ut in cap. unic. de despōns. impub. lib. 6. & sic Pontifex tantum respexit ad libertatem matrimonii, quæ adjectione pœnae arctari non debet: quare vulgo ex hoc textu probatur, pœnam inutiliter adjici sponsalibus, ut ex d. l. Tertia 134. d. l. 2. Cod. de inutil. An verò Gregorius absolutè intelligendus sit; sive adjectiatur pœna iustè, vel injustè resilienti, & renuenti matrimonium contrahere, infra dicemus, in solutione dubitandi rationis. Leo tamen Imperator pœnam sponsalibus adjici permisit, ex rationibus, quas ipse expressit in Novell. 18. ibi: At sanè ne (ut fieri assolat) sponsalia sursum deorsum ferantur, hoc mibi (quemadmodum dixi) majorem oportere vim videatur. Solius enim arrha perditio, quæ in eum, qui dedit, ac deinde sponsalibus non acquiescit, constituta est: eisque in duplum restituato, quam multam is qui arrham cepit, deindeque in pacto convento non persistit, sustinet; ut propter pœnam levitatem ad pactorum rescissionem, quid facere cogitant, faciliter ferantur, facit. At ex pacto definita pœna gravius dannum sibi obvenire videns inconsans ille, tardior omnino ad dividenda sponsalia fiet. Quod sanè nos etiam nuptialibus contrahibitis magis conducibile fore animadverentes, quod ex consuetudine fieri solet, in legitimam constitutionem tradicimus; ex arrha sequidem perditio ne faciles sponsalium eversiones video, ex pœnae solutione non item.

*S.  
Dissolvi-  
tur dubi-  
tandis  
ratio.*

Nec obstat dubitandi ratio suprà adducta; quia licet verum sit, nulla arrha in sponsalibus constituta, & matrimonio non sequonto, agi posse ad id quod interest, vel quia in aliquod damnum incidit, vel lucrum amisit, quod interesse appellatur in l. si commissam, ff. rem ratam haberi: pone impensas aliquas fecissi sponsum, vel sponsam, ut exponit Gentilis d. cap. 14. per totum; non tamen inde deducitur, pœnam in sponsalibus adjici posse, licet pacisci possit inter sponsos de interesse solvendo, ut probat ipse Gentilis; quia aliud est pœna, & longè aliud quod interest, l. Proculus, ff. de damno infecto, l. si cui, in fine, ff. de furtis. Unde pœnam stipulari in sponsalibus non licet, permittit tamen stipulari quod interest, juxta Cinum & Baldum in l. ultima, C. de spons. tametsi alii contrarium defendant, ut referunt Jafon in d. l. Tertia, num. 74. Salicetus in l. i. & ultim. C. d. de spons. nec tunc obstat textus in d. l. final. ff. de pretor. stipulat. Ex qua vulgo deducitur, id, quod interest, commodius esse in certam pœnam deducere, & eam stipulari. Nam verum est, in his obligationibus, in quibus venit id quod interest, commodius esse certam pœnam stipulari; quia id quod interest, est difficilis probatio nis, & sape ob hanc difficultatem ad exiguum summam res reducitur, d. l. ultima, §. ultim. ff. de verb. oblig. l. stipulatio ista, §. alteri, ff. eod. titul. Sed hoc procedit, ubi pœnam stipulari per leges licet, non autem ubi stipulari prohibitum est, ut in præsenti casu, in quo licet ad id quod interest agi possit: & de eo conveniri, non tamen ejus loco pœna stipulari debet. Nec obstat primum augmentum ipsius difficultatis, quo moti Gothofredus in d. l. Tertia, ff. de verb. oblig. Coninch de sacramentis di. pur. 22. dub. 5. conclus. 5. num. 29. Basilius lib. 12. de matrimon. capite 19. num. 8.

Suarce de relig. tom. 2. lib. 2. de jurament. promiss. cap. 23 num. 5. Vasquez in opusc. de testam. capite 3. dub. 2. num. 28. Layman lib. 5. summa, tract. 10. cap. 1. num. 8. Castropalao de spons. disput. 1. punct. 9. numero 3. Gibalinus d. art. 3. num. 2. alii apud Rebellum lib. 4. quest. 7. tenuerunt, in sponsalibus pœnam imponi posse iustè resilienti: sed adhuc communis sententia, quæ absolutè, & indefinite docet, pœnam in sponsalibus adjici non posse, libenter adhære, cùm ea exprelè probetur ex præsenti textu ex l. Tertia 134. ff. de verb. oblig. l. 2. Cod. de inutil. stipulation. qui necessario accipiendi sunt de eo casu, in quo iustè receditur ab sponsalibus; nam si iustè sponsus vel sponsa recedat, stipulatio pœna ex alio capite nulla est, videlicet quia ubi nulla culpa adest, nulla pœna committi valet, l. si homo 69. l. inter 83. §. Stichum, ff. de verb. obl. & sic frustra tam sedulè utriusque juris conditores improbarent stipulationem pœnalem, casu quo ab sponsalibus iustè disceditur in præsenti textu, & in d. l. 2. Deinde quia, ut supra dicebamus, si pœna admittetur in sponsalibus, etiam qui iustam discedendi causam haberet, ob difficultatem probandi illam metu pœna solvendæ, cogereur invitus matrimonium contrahere; neque cùm sunt juris remedia, quibus cogatur contrahere; ut probavi in cap. 2. hoc tñul. non debet dari nova occasio infringendi libertatem per pœnam conventionalem, immò pœnis & remediis à jure statutis contenti esse debemus, ut statim probabimus: & ita licet cùm iustè disceditur ab sponsalibus, iustè cogantur sponsi matrimonium celebrare per censuras & alia remedia; non tamen debet in eum casum pœna stipulari, ne inde sequatur, ut ejus metu etiam qui iustè resiliat ob difficultem probacionis causa justæ, invitus cogatur matrimonium celebrare.

Nec obstat secundum augmentum ipsius dubitandi rationis; valde enim laborant Interpretes pro assignanda ratione, quare in sponsione arrhabarum. Unde pœnam stipulari in sponsalibus arrha adhibeantur, pœna vero inutiliter promittatur; cum non minus propter timorem amittendæ arrha, vel restituendæ in duplum, seu in quadruplum, juxta d. l. ultim. Cod. de spons. videatur infringi libertas matrimonii, quam per adjectiōnem pœnalis stipulationis. Glossa hic videtur agnoscere discriminem inter jus civile, & canonicum; ita ut illo jure permissa sint, non verò attento hoc jure. Sed hæc solutio merito rejicitur ab Holtiensi, eo quod jure canonico nullibi arrha constitutio improbata sit; immò approbata reperitur in capite si quis uxorem, 27. quest. 2. capite nostrarum, cap. famine 30. quest. 5. cap. final. ubi dicemus, de despōnsationibus impuberum Joannes Andreas hic, num. 9. Alciatus & Duranrus in d. l. Tertia, eam rationem adducunt, videlicet quod arrha datur; pœna promittitur, in defectum contractus: faciliiores autem sunt homines ad promittendum, quam ad dandum, l. sed si ego, ff. ad Vellejan. quia ut ajeat Ovidius: Quid enim promittere ledit; eoque magis in hoc refranndi contrahentes. Holtiensis in præsenti eam rationem affert, quod arrha tradatur, & in traditione rei suæ potest quilibet eam legem dicere, quam vult, l. traditionibus, C. de pact.

pact. quod non est in promissione pœna, in qua nihil traditur. Veram hæc ratio nihil evincit, cum non minus in arrha adhuc remaneat in dante metus eam amittendi, in recipiente vero eam restituendi in duplo. Cujacius in notis prioribus ad tit. *Instit. de verb. oblig.* & in notis postea ad tit. *de empt. & vendit. ait*, quod pœna promittitur in defectum contractus: ut autem quis non potest contractu obstringi, ne ab sponsalibus discedat, ita nec per pœnam. Aliam rationem assignant Connarus lib. 8. comment. cap. 8. in fine, Gentilis dicit. cap. 13. quod cum arrha tradi soleat, lex id non impedit, quia res in facto consistentes, qualis est traditio, non ita possunt jure confirmari, argumentum legis cum in bello 12. §. facti, ff. de captivis. Gifanius in dict. leg. 6. Cod. de spons. ait, arrharum amissionem esse legalem, pœnam vero esse conventionalem, & ubi poena legalis adest, ea debent esse contenti contrahentes. Consentit Cujacius ad titul. Cod. de spons. Sed hæc ratio parva probat, nam pone arrham datum non fuisse, nonne licebit pœnam stipulari? Nullo modo: ergo non ideo prohibetur stipulatio pœna, quia pœna legali contenti esse debemus. Hæc tamen ratio recte probat, in matrimonio adjici non posse, nec promitti pœnam hoc modo, si divorvium culpa tua sequuntur fuerit, centum dabitis: ut expressè docetur in l. s. stipulatio 19. ff. de verb. oblig. eti. contrarium supponat Paulus in l. ea que 57. ff. de donat. inter, quia contenti esse debemus pœnas in legibus comprehensis: erant enim pœna statuta adversus eos, qui causam divorcio dabant ob mores leviores, vel graviores. Ulpianus in fragm. titul. 6. de dotibus, §. 9. quas latè explicant Briffonius ad l. 7. de adulter. pag. 123. in magnis, Gifanius in l. consensu 8. Cod. de divorvius, Gothofredus in Novell. 22. cap. 16. & ibi Cujacius lib. 11. obseru. cap. 29. Petrus Barbosa in rubric. solut. matrimon. 2. part. à princip. & in l. viro 39. edem tit. Petrus Herodius lib. 4. Pandect. titul. 17. capit. 2. & 3. Nec obstat textus in l. ea que 57. ff. de donat. inter, ad cuius solutionem videndi sunt Donellus in d. l. 19. Cujacius tractat. 8. ad Afric. in l. cum foris 44 ff. de actionibus empti. Antonius Faber lib. 2. conject. cap. 3. Pichardus in §. omnes, 21. num. 30. de actionibus, Meril. lib. 3. var. ex Cujacio cap. 26.

His rationibus differentia omisis, placuit ea, quam tradidit Valafecus consult. 2. quem sequitur Barbofa in presenti; nempe quia pœna respicit directe negotium futurum, datus vero arrharum respicit directe securitatem negotii, scilicet fidem sponsalium: arrha enim datur ut pignus ad confirmandum matrimonium; pœna autem ad vindictam non impletæ promissionis. Unde alia ratio reddi potest, quod datus arrharum non fit principaliter ad impediendam libertatem matrimonii, sed ut evidenter veritas contractus probari possit, l. quod sape, in princip. ff. de contrah. empt. & idèo licet ex postfacto qui illas dedit, metu earum contrahat matrimonium, hoc non habetur in consideratione: pœna autem principaliter tendit ad impediendam libertatem matrimonii, idèo non valet. Ita resolvit Aretinus column. 6. in d. l. Titia. Vel alia potest esse ratio, quod quando quis contrahit sponsalia D. D. Gonzal. in Decretal. Tom. IV.

cum traditione arrharum, statim eligit consentire in vinculum sponsaliorum, & etiam in arrhis; ideo compelli potest metu arrharum, quemadmodum etiam posset arrhis non constitutis virtute promissionis, ex traditis supra in cap. 2. tamen quando quis contrahit sponsalia sub pœna, non intelligitur simpliciter absoluere in vinculum consentire, quia in effectum videtur se obligare alternativè, unde cum à principio vinculum non sit firmum, si postea consentire, videretur pœna metu consentire, ut notat Præpositus hic column. 2. & 5. quare licet jus civile admiserit constitutionem arrhae in sponsalibus, tamen promissionem arrhae improbabit. Nec obstat ultimum augmentum ipsius dubitandi rationis, pro cuius solutione discrimen constitendum est cum Gibalino supra, & Gentili d. lib. 4. de donat. cap. 13. inter personas pœnam promittentes in casu, in quo matrimonium non sequatur; nam si parentes, vel tutores, vel cognati, seu magni amici promittant pœnam, verius est talem promissionem non valere, quia similium personarum persuasione, vel metu, vel reverentia facilè sponsi adducerentur, etiam inviti, ad matrimonium contrahendum: secus est si alii planè extranei promitterent, nisi forte promitterent mandato sponsorum; tunc enim eadem ratio militat improbandi talem promissionem, quia ex fraude, & tacita passione facta creditur, ut ait Alciatus in d. l. Titia 134. Si vero nulla fraudis suspicio detur, talem promissionem valere probat Gentilis ex Plauti Pseudolo, in illis verbis: *Sat inest, si hanc hodie mulierem effici, tibi tua ut sit, aut si tibi do viginti minas.* Quomodo intelligitur textus in leg. patrem, Cod. de nuptiis.

Sed præsenti assertioni obstat textus in l. pater 101. ff. de condit. & demonstrat. ubi cum Exponitur pater filiam suam Severinam Elio Philippo cognato nuptiis testamento designasset, p. pater, ff. de condit. prædium filiæ, si nupisset Elio Philippo, leg. fr. gavit: si autem his nuptiis non consentiret, prædium Elio Philippo præstari voluit: & cum ageretur de viribus hujus fideicommissi, supponitur illud valuisse; & tamen in pœnam non contracti matrimonii à Severina cum Elio Philippo relictum fuerat: igitur quia pœna adhiberi potest nuptiis contrahendis. Pro cuius textus expositione examinandum est, utrum, eti. pœna non posset adjici sponsalibus, vel matrimonii, an taliter præmium posset apponi; id est, an spe præmii possint sponsi ad contrahendum invitari? Et dicendum est, id nulla lege prohiberi, immò promitti, vel legari ita posse. *Tuio centum do, lego, si filiam, vel neprem meum in uxorem duxerit;* ut l. 1. C. de instit. & subtit. Gentilis lib. 4. de donat. cap. 14. quod si per mulierem steterit, ne matrimonium sequatur, tunc nihilominus præmium ei debetur, cui promissum est, vel legatum. Uno etiam casu ei debetur, licet per ipsum legatarium steterit, quominus nuptias contraheret: nimur si legatum ei reliquit sit, ut nuptias in honestas contraheret, veluti cum scorto; vel si mulieri legatum est, ut homini infami nubat; tales enim conditiones ut turpes remittuntur, nec innocent ulli dispositioni, vel legato, ex l. 3. §. si eman-

*emancipatus, de condit, infit.* Nihil autem refert, quisnam præmium tale promittat, aut donet, vel leget, sive is sit pater viri, sive puellæ, sive quisalius; dummodo tamen ipsi non sint contrahentes; tunc enim talis promissio inter ipsos facta non valet, putâ: Si tibi nuplero, de-

cem dare spôndes, *L. si stipulatus fuero, §. 2. ff.* de verb. oblig. Hæc enim promissio, si donationis causa facta est, idcirco non valet, quia in tempus futuri matrimonii collata est, quo tempore interdicta est inter conjuges donatione.

## CAPUT XXX.

Idem Episcopo (a) Cenomanensi.

**I**S qui fidem dedit M. mulieri super matrimonio contrahendo, carnali copulâ subsequutâ, et si in facie Ecclesiæ ducat aliam, & agnoscat, ad primam redire tenetur: quia licet præsumptum primum matrimonium videatur; contra præsumptionem tamen hujusmodi non est probatio admittenda. Ex quo sequitur, quod nec verum, nec aliquod censetur matrimonium, quod de facto est postmodum subsequutum.

## NOTÆ.

1. (a) **C**enomanensi.] De Metropoli Cenoman. Nonnulla adduci in cap. 54. de electione.

## COMMENTARIUM.

2. **I**N hoc textu aperte Gregorius docet, sponsalia de futuro transire in matrimonium de præsenti per copulam subsequitam, quod etiam docetur in cap. veniens, 15. cap. consułtationi 28. hoc titul. cap. per tuas, cap. de illis, de condit, appos. explicant plures, quos refert Barbosa in perdoct. collect. ad hunc textum, quibus addendi sunt Basilii lib. 2. de matrim. cap. 12. per tot. P. Gregor. lib. 3. partit. titul. 21. cap. 5. Mancinus genial. cap. 237. Cujacius & Canisius hic: ex copula enim subsequuta Ecclesia præsumit consensum conjugalem potius quam fornicarium, benigna videlicet interpretatione, ut vietetur præsumptio peccati, argumento legis merito, ff. pro socio, l. Quintus Mutius, ff. de donat. inter, cap. 2. de reg. jur. Accedit quia sponsi consentientes in copulam, videntur prius consentire in matrimonium, tanquam necessarium præambulum ad copulam licitam, argumento capituli vidua, de Regul. junctis traditis à Pal-

cios Rubios in repetit. rubrice de donat. inter, §. 17. num. 3. & quia videtur copulam illam haberi virtute præcedentis obligationis sponsalium, arguento Glossæ finalis in l. quedam mulier, ff. de re vind. cum his quæ tradit Mascardus de probat. volum. 3. conclus. 1197. & 1215. num. 14. Amplexibus tamen, osculis, & similibus tactibus sponsalia non transirent in matrimonium, cap. 1. de matrim. contract. nec propter nisum ad copulam, cap. final. hoc titulo, ut explicant Basilius suprà, & Barbosa in præsentib[us] nec contrarium probat textus in cap. iuvenis 3. hoc titul. cuius veram interpretationem in ejus notis assignavit: nec contra hanc præsumptionem, cum copula subsequita est, admittitur ulla probatio, cum sit juris, & de jure, juxta tradita in cap. final. de præsumpt. Hodie tamen post Concil. Trident. sess. 24. de reform. matrimonii, cap. præsens decisio non procedit. Barbosa votu 71. per totum; nam cum ibi irritetur matrimonium, si contrahatur absque præfinta parochi, & testium; à fortiori videtur irritari omne matrimonium præsumptum ex copula subsequita, vel alia simili causa, ut docuerunt plures congettū à Barb. hic: in provinciis autem ubi Concilium Trident. non obseruantur, hujusmodi matrimonia præsumpta adhuc procedunt.

## CAPUT XXXI.

(a) Idem.

**S**I inter virum & mulierem legitimus consensus interveniat de præsenti, ita quod unus alterum mutuo consensu verbis (b) consuetis expressio recipiat, utroque dicente, Ego te in meam accipio; & Ego te accipio in meum; vel alia (c) verba consensum experimentia de præsenti: sive sit juramentum interpositum, sive non, non licet alteri ad alia vota transire; quod si fecerit, secundum matrimonium de facto contractum (etiam si sit carnalis copula subsequita) (d) separari debet, & primum in sua firmitate manere. Verum si inter ipsos accessit tantummodo promissio de futuro, utroque dicente alteri, Ego te recipiam in meam; & Ego in meum: sive verba similia, si alius mulierem illam per verba de præsenti desponsavit, etiam si inter ipsam & primum, juramentum intervenerit, sicut diximus, de futuro, hujusmodi desponsationis intuitu secundum matrimonium non poterit separari, sed eis est de violatione fidei poenitentia injungenda.

NO-